

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelunge Lied

Leyser, Hermann

Leipzig, 1840

XI. Aventure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)




Wie Sifrit sin wip heim zelande forte...

XI. Auenture.



von der Sigmundes. mit gotlichem site.
 sprach zu sinen heleden. twot des ich ouch bite.
 nu bereit vns die märe. ia wil ich inmin lant.
 liep was ez sine wibe. do si diu märe an im ervant.



Si sprach zu dem herren. sit wir von hinnen varn.
daz ich so harte gahe. daz heiz ich wol bewarn.
mir suln e' mine brüder. teilen mit dir lant.
leit was ez Sivride. do erz an Chriemhilt ervant.

Die fürsten zu ihm giengen. vnt sprachen alle dri.
nu wizzet daz herre Sivrit. daz ich immer si.
mit triwen vnser dieneft. bereit vnz in den tot.
des neiger do den degenen. do manz im so wol erbot.


Wir suln och mit ich teilen. sprach Giselher daz kint.
lant vnt burge. die vnser eigen sint.
swaz der witen erbe. vns ist undertan.
der solt ir teil vil goten. mit samt Chriemhilde han.

Zu sinen chonemagen. do der reche sprach.
do er den goten willen. an den herren sach.
got laze ich iwer erbe. immer selic sin.
vnt och die lute drinne. ia tvot dir wine min.

Des teiles wol zerate. den ir ir woldet gebn.
da si da sol tragen chrone. vnt suln wir daz gelebn.
si muoz werden richer. dann iemen lebender si.
swaz ir sws gebietet. sten ich ich dienstlichen bi.

Do sprach dir frowe Chriemhilt. habt ir der erbe rat.
vmb Guregonden degene. ez so lihte niene stat.
sine muoge ein chunich gerne. foren insin lant.
ia sol si mit mir teilen. miner lieben bruder hant.

Do sprach der herre Gernot. nu nim dir swen do wil.
die mit dir gerne riten. der vindestu vil.
von drizech hundert rechen. so habe dir tusint man.
die sin dir heim gesinde. daz was ir liebe getan.



Si bereite sich zir verte. als ir vil wol gesam.
ir edeln ingesinde. frow Chriemhilt do nam.
zwo unt drizzech mägede. dar zwo funshundert man.
Ecgewart der grave. for mit siner frowen dan.

Verlopp si alle namen. beide ritter vnt knecht.
mägede unt frowen. daz was vil michel recht.
mit chossen gescheiden. wrden si zehant.
si roumten minnekliche. do der Suregonden lant.

Do beleiten si ir mage. vil verre vf den wegen.
man hiez in allenthalben. ir nahtfelde legn.
swa si si gerne namen. dorch der chunige lant.
do wrden boten balde. dem kunige Sigemont gesant.

Daz er daz wizen solde. vnt och Sigelint.
daz Sivrit chomen wolde. vnt och frown Voten kint.
Chriemhilt diu vil schone. von Wormez ober Rin.
done kunden in diu mere. nimmer lieber gesin.

Nu wol mich sprach do Sigemont. daz ich gelebt han.
daz hie diu schone Chriemhilt. sol gechronet stan.
des mwezen wol getivret. sin diu erbe min.
Sivrit der vil chuene. sol hie nu selbe voget sin.

Do gap diu frowe Sigelint. vil manigen samyt rot.
silber vnt golt daz swere. daz was ir botenbrot.
si vreste sich der märe. vnt mit ir manic man.
alles ir gesinde. mit vlize chleiden sich began.

Man seit ir wer da chöme. mit Sivride indaz lant.
do hiezen si gesidele. rihten alzehant.
dar zwo er vnder chrone. vor forsten solde gan.
do riten im engegene. des kunich Sigemundes man.

Ist iemen baz empfangen. daz ist vns vnbechant.
denne die heledē werden. ze Sigemundes lant.
Sigelint sin muoter. Chriemhilt engegen reit.
mit maniger schonen frowen. ir volgeten ritter gemeit.

In einer tageweide. da man die geste sach.
die vreden vnt die chunden. die dolten vngemach.
vns daz si chomen. zerburge wol bechant.
riche vnt märe. diu was ze Santen genant.

Mit lachendem monde. Sigelint vnt Sigemunt.
chusten Chriemhilt. mit vrodē sa zehant.
darnach ir vil liebez kint. ir leit in was benomen.
alles ir gesinde. was in groz willechomen.

Do brahte man die geste. for Segemundes sal.
die schone iunefrowen. huben man da zetal.
nider von den mören. da was vil manic man.
do man den edeln frowen. mit vlize dienen began.

Swie groz ir hochgeriten. bi Rine was bechant.
noch gab man hie den heleden. richer gewant.
danne si ie getroegen. noh bi allen ir tagen.
man mohte michel wnder. von ir richeite sagn.

Do si inir wurde sazē. vnt heten genvoch.
was golt varwer geren. ir ingesinde trooch.
vnt vil der edeln steine. verwieret wol dar in.
fos pflag ir vlizekliche. Sigelint diu konigin.

Do sprach vor sinen magen. der herre Sigemunt.
allen minen friunden. sol daz wesn chunt.
daz Siwit mine chrone. himen for sol tragn.
diu märe horten gerne. die von Niderlanden sagn.

Do bevalhe er im die chrone. geriht vnt ovch div lant.
sit was er ir aller meister. die er inder vant.
vnt da er rihten solde. daz wart so getan.
daz man von schulden vorhte. der schonen Chriemhilt man.

In disen hohen erten. lebt er daz ist war.
vnt riht ovch vnder chrone. vnz in daz zwelfte iar.
daz div schone Chriemhilt. einen son gewan.
daz was des kuniges magen. nach ir willen wol ergan.


Den ilte man do taysen. vnt gab im den namen.
Guntner nach sinem oheim. des dorster sich niht schamen.
geriet er nach den magen. er werde ein choner man.
man zoh in wol mit vlize. daz wart von schulden getan.

In den selben citen. do starp frow Sigelint.
do het den gewalt mit alle. der edeln Voten kint.
der so richer frowen. ob landen wol gezam.
di mohten ir do dienen. mit grozen erten ane scham.

No het ovch dort bi Rine. so wir horen sagen.
bi Guntner dem richen. einen son getragen.
Prunhilt div schone. in Burgonden lant.
durch des rechen liebe. so wart er Sivrit genant.

Wie rehte vlizeckliche. man sin хотen hiez.
Guntner der vil riche. im magzogen liez.
diez chunden leren togende. gewhs es zeinem man.
hen was im vngeluche. sit der mage an gewan.

Märe zallen citen. wart wider vnt dar geseit.
wie rehte wunckliche. die helde vil gemeit.
lebten zallen stonden. in Sigemundes lant.
daz selbe tet ovch Guntner. mit sinen magen v; erchant.



Das lant ze Nibelunge. Sivride no diente hie.
reicher siner mage. wart deheimer nie.
dar zo sins vaters erbe. er was ein degn goot.
des troch der vil chune. deste hoher den mvot.

Hort den aller meisten. den ie kunie gewan.
ane die ez e' pflagn. hete no der chune man.
den er vor einem berge. mit siner hant erstreit.
dar vmbet sloec zetode. vil manigen ritter gemeit.

Er het den wnsch der eren. vnt wäref niht geschehn.
so muose man von schulden. Sivride iehn.
er ware ein der beste. der ie vf ors gefaz.
man vorhte sine sterche. vnt tet vil pilliche daz.

